

ევროკომისიის რეკომენდაცია 8 მოწყვლადი ჯგუფების უფლებების დაცვა, ძალადობაზე ეფექტიანი რეაგირება

ევროკომისიის რეკომენდაცია
სწრაფი ნაბიჯები გადადგას მოწყვლადი ჯგუფების უფლებების დაცვის გასაძლიერებლად, მათ შორის, ძალადობაში დამნაშავეების და წამქეზებლების პასუხისგებაში უფრო ეფექტურად მიცემის გზით.¹

„ქართული ოცნების“ გეგმა
პარლამენტის ადამიანის უფლებების დაცვისა და სამოქალაქო ინტეგრაციის კომიტეტი, საქართველოს პროკურატურასთან და შინაგან საქმეთა სამინისტროსთან თანამშრომლობით, უზრუნველყოფს ინფორმაციის საჯაროობას ყველა შესაბამისი საქმის გამოძიების შესახებ.²

ევროკომისიის მოსაზრება ევროკავშირში გაწევრიანებასთან დაკავშირებით საქართველოს განაცხადზე
ევროკომისია ძირითადად ევროკომისიის დირექტივებთან შესაბამისად მიიჩნევს დისკრიმინაციის, სიმულვილის ნიშნით ჩადენილი დანაშაულების წინააღმდეგ არსებულ ქართულ კანონმდებლობას, თუმცა პრობლემად მიაჩნია კანონმდებლობის აღსრულებასთან დაკავშირებული ხარვეზები. ³ დოკუმენტის ტექსტში ყურადღებაა გამახვილებული ჟურნალისტების და სამოქალაქო საზოგადოების აქტივისტების თვალთვალზე, მათი პირადი ცხოვრების ამსახველი კადრების გასაჯაროების უშედეგო გამოძიებაზე, ლესბოსელი, გეი, ბისექსუალი, ტრანსგენდერი, ინტერსექსი ან ქვიარი (LGBTIQ) პირების უფლებების დაცვაზე საქართველოში და ამ საკითხზე საზოგადოების ცნობიერების ამაღლებაზე, განსაკუთრებით 2021 წლის ივლისის მოვლენების გათვალისწინებით.⁴

მმართველი პარტიის მიერ საკუთარი გეგმის შესრულება
ევროკომისიის მე-8 რეკომენდაციის შესრულების პროგრესის შესახებ ინფორმაციის მისაღებად, დემოკრატიის კვლევის ინსტიტუტმა საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტს საჯარო ინფორმაციის გაცემის თხოვნით მიმართა. ჩვენს კითხვაზე - რა კრიტერიუმის მიხედვით და რომელი სისხლის სამართლის საქმეები შეირჩა ევროკომისიის მე-8 რეკომენდაციის და „ქართული ოცნების“ გეგმით გათვალისწინებული ღონისძიებების შესასრულებლად, პარლამენტის ადამიანის უფლებათა დაცვისა და სამოქალაქო ინტეგრაციის კომიტეტმა გვიპასუხა: „ადამიანის უფლებათა დაცვისა და სამოქალაქო ინტეგრაციის

¹ ec.europa.eu (ვებგვერდი), Opinion on the EU membership application by Georgia, 17.06.2022, ხელმისაწვდომია: https://ec.europa.eu/commission/presscorner/detail/en/qanda_22_3800
² civil.ge (ვებგვერდი), 01.07.2022, ქართულმა ოცნებამ ევროკომისიის რეკომენდაციების შესრულების გეგმა წარადგინა. ხელმისაწვდომია: <https://civil.ge/ka/archives/499106>
³ ec.europa.eu (ვებგვერდი), Commission Opinion on Georgia's application for membership of the European Union, 17.6.2022, Brussels, p.10, ხელმისაწვდომია <https://neighbourhood-enlargement.ec.europa.eu/system/files/2022-06/Georgia%20opinion%20and%20Annex.pdf>
⁴ იქვე

კომიტეტში, მიმდინარეობს აქტიური მუშაობა საპარლამენტო უმრავლესობის მიერ შემუშავებული გეგმის შესაბამისად. როგორც მოგეხსენებათ, ამ საკითხზე რომელიმე საგანგებო სამუშაო ფორმატის (თემატური მოკვლევა, სამუშაო ჯგუფი და სხვა) შექმნა გათვალისწინებული არ ყოფილა. აქვე გაცნობებთ, რომ უფრო კონკრეტული ინფორმაციის მოწოდება შესაძლებელი იქნება მას შემდეგ, რაც მუშაობა გაგრძელდება საჯარო ფორმატში, რაც მოსალოდნელია ახლო მომავალში.⁵

საჯაროდ ხელმისაწვდომ წყაროებში არ იძებნება ევროკომისიის მე-8 რეკომენდაციის შესრულების კუთხით ადამიანის უფლებათა დაცვისა და სამოქალაქო ინტეგრაციის კომიტეტის მიერ მუშაობის „საჯარო ფორმატში“ გაგრძელების შესახებ ინფორმაცია.

შესაბამისად, საანგარიშო პერიოდში, „ქართულ ოცნებას“ ევროკომისიის მე-8 რეკომენდაციასთან დაკავშირებით საკუთარი გეგმა არ შეუსრულებია.

„ქართული ოცნების“ გეგმის შესაბამისობა ევროკომისიის რეკომენდაციასთან

მიუხედავად იმისა, რომ ევროკომისიის მე-8 რეკომენდაცია არაორაზროვნად უთითებს მოწყვლადი ჯგუფების წინააღმდეგ დაგეგმილი ძალადობის ორგანიზატორების იდენტიფიცირებისა და პასუხისგებაში მიცემის აუცილებლობის შესახებ, „ქართული ოცნების“ გეგმა მხოლოდ „ყველა შესაბამისი საქმის გამოძიების შესახებ“ ინფორმაციის საჯაროობის ვალდებულებით შემოიფარგლა.

2022 წლის 7 სექტემბერს საქართველოსა და ევროკავშირს შორის გამართული ასოცირების საბჭოს მე-7 სხდომის შემდეგ გაკეთებულ განცხადებაში ევროკავშირი მიესალმა 2022 წელს „თბილისის პრაიდთან“ დაკავშირებული ღონისძიებების მშვიდობიან გარემოში ჩატარებას, თუმცა ხაზგასმით მოითხოვა 2021 წლის 5 ივლისის ძალადობის ორგანიზატორების პასუხისგებაში მიცემა, პრაიდის კონტექსტში მომხდარი ძალადობის სწრაფი და შედეგიანი გამოძიება და პრევენციული ზომების გაძლიერება.⁶

შესაბამისად, ევროკომისიის რეკომენდაციაში უმთავრესად ყურადღება მახვილდება სიძულვილის ნიშნით ჩადენილი დანაშაულების ორგანიზატორების პასუხისგებაში მიცემაზე, ამ დანაშაულების ეფექტიან გამოძიებაზე და პრევენციულ ღონისძიებებზე. „ქართული ოცნების“ გეგმა კი ფოკუსირებულია მხოლოდ გამოძიებაში მყოფი საქმეების შესახებ ინფორმაციის გასაჯაროებაზე, რაც ავიწროებს ევროკომისიის მე-8 რეკომენდაციას და სრულად არ შეესაბამება მის სულისკვეთებასა და შინაარსს.

პროექტს ახორციელებს კონსორციუმი კონრად ადენაუერის ფონდის (KAS) ხელმძღვანელობით შემდეგ არასამთავრობო ორგანიზაციასთან ერთად - საქართველოს სტრატეგიული კვლევებისა და განვითარების ცენტრი

⁵ საქართველოს პარლამენტის აპარატის 3 ნოემბრის წერილი N10380/2-7/22

⁶ https://www.eas.europa.eu/delegations/georgia/joint-press-statement-following-7th-association-council-meeting-between-eu-and_en?s=221



ევროკავშირი
საქართველოსთვის
Project funded by the European Union



(CSRDG), სამოქალაქო საზოგადოების ინსტიტუტი (CSI), კონსულტაციისა და ტრენინგის ცენტრი (CTC), განათლების განვითარების და დასაქმების ცენტრი (EDEC) და ევროპული პოლიტიკის ინსტიტუტი (IEP).

“სამოქალაქო საზოგადოების ინიციატივა” ემყარება ევროკავშირის მიერ მხარდაჭერილი პროექტის “სამოქალაქო საზოგადოების განვითარების ინიციატივა” (CSSIGE 2017- 2020) განხორციელების პროცესში მიღებულ ცოდნასა და გამოცდილებას.

